

# 財團法人高雄市蔣發太孫玉枝台語文教育基金會

## 全國台語文教學、研究與創作獎勵辦法(台文版)

2023年9月29日第1屆第2次董事會會議通過

一、財團法人高雄市蔣發太孫玉枝台語文教育基金會 ūi-tiòh 推廣台灣語文教學、研究 kap 創作，紀念蔣發太先生、陳信從老師、詹文聲教授、林茂生教授、王育霖詩人檢察官、王育德教授、鄭良偉教授、巴克禮牧師、鄭兒玉牧師等人對台灣語文教育 ê 貢獻，特別訂 chit-ê 辦法。

二、獎勵對象：國內社團 kap 各級學校符合 ē-té 第五條申請資格 ê 師生 iàh-sī 民眾。

三、獎勵範圍：

以台語、台灣客語 kap 台灣原住民族語為主體 ê 教學、研究 kap 創作。本條文內 ê 「台語」、「台語文」為專有名詞，專指「Tâi-gí」；台灣語文為複數名詞，指台語、台灣客語 kap 台灣原住民族語。若有無詳細 ê 所在，由主辦單位解釋。

四、申請期程、評選標準 kap 錄取名額：

除非 koh 有規定，若無 lóng 以年做單位，具體申請日期由主辦單位公告。獎助評選標準細節由主辦單位另外 koh 訂。若申請者無達到 siōng 低獎助標準，主辦單位 ē-tàng 以不足額錄取 tiòh 獎名單。各獎項 siōng koân 名額 tī 經費有夠 kap 被獎勵者符合優秀標準 ê 前提下，ē-tàng 由審議會議適當增加名額。

五、獎助類別、金額 kap 申請資格：

### 林茂生大師講座

本講座獎助符合 ē-té 條件之一 ê 專題講座：第一，關係台灣教育家林茂生教授 ê 相關研究。第二，關係台灣學教育 iàh-sī 台灣文學 ê chhui-sak。第三，關係台語白話字歷史文化 ê 相關主題。

申請資格是各公私立大學 ê 專、兼任師資、學生社團 iàh-sī 民間社團。講座 tiòh-ài 以台語做主要 ê 演講語言。

獎助經費包含講師演講費、交通費、宣傳費 kap 講師帶暝費(若是莊腳所在)。隨到隨審，請上無 tī 活動二個月前提出申請。Hit 年度 chit 項經費用完 tō 暫停申請。

### 王育德博士講座

本講座獎助符合 ē-té 條件之一 ê 專題講座：第一，關係王育德博士 ê 相關研究。第二，關係台灣歷史 kap 台灣前途 ê 相關主題。第三，關係台語文 ê 相關主題。

申請資格是各公私立大學 ê 專、兼任師資、學生社團 iàh-sī 民間社團。講座 tiòh-ài 以台語做主要 ê 演講語言。

獎助經費包含講師演講費、交通費、宣傳費 kap 講師帶暝費(若是莊腳所在)。隨到隨審，請上無 tī 活動二個月前提出申請。Hit 年度 chit 項經費用完 tō 暫停申請。

### 林茂生論文發表賞

本獎項鼓勵研究者以台語文寫論文 koh 發表 tī 有審查制 ê 學術期刊。獎勵金額如下：

論文(無限領域)以台文書寫刊登 tī 台灣國科會核心期刊、SSCI 或 Scopus 期刊 ê 人 ē-tàng 得賞新台幣八萬 kho̍。Hit 年度 chit 項經費用完 tō 暫停申請。

論文(無限領域)以台文書寫刊登 tī 其他有審查制期刊 ê 人 ē-tàng 得賞新台幣二萬 kho̍。

申請者 tī 投稿 hông 錄取 liáu tō ē-tàng 申請 chit-ê 獎項，論文刊出 ê 時 ài tī 論文適當所在註明由本基金會獎助。

#### **發枝台語薪傳終身貢獻賞：**

每年 1 名，每名獎勵金新台幣十萬 kho̍。獎勵對象是對台語有重大貢獻成就，koh 符合 ē-té 兩點之一(1)從事台語教學、研究、創作 iah-sī 推廣 siōng-bô 有三十冬；(2)歲數 siōng-bô 有六十五歲。Ē-tàng 家己申請 iah-sī 由他人推薦申請。

#### **發枝台灣語文出版獎助：**

Ták 冬 3 至 6 名，每名獎勵金新台幣二萬至十萬 kho̍，金額照審議會議決議做準。獎勵對象 tiōh-ài 符合 ē-té 四點之一(1)以台語創作 ê 文學作品；(2)台語 hām 其他語言(中國普通話除外)之間 ê 翻譯文學作品；(3)以台語書寫 ê 非文學類作品；(4)對台灣語文 iah-sī 台灣文學 ê 推廣有幫贊 ê 作品。申請資格 ài 已經完成創作初稿 m̄-koh iáu 未出版 ê。獎勵金 tī 作品出版 liáu 提撥。出版 ê 時 tiōh-ài tī 作品適當所在註明由本基金會獎助。

#### **林茂生教授台語教學優良賞：**

Ták 冬 3 名，每名獎勵金新台幣二萬 kho̍。獎勵對象是各大學(含社區大學)現職專、兼任教師。若 chē 人做伙教 ê 課程揀一人做代表申請。課程 tiōh-ài 以台語授課(不限教學領域) iah-sī 以台語做教學主題，每學年至少開一門課才 ē-tàng 申請。Ē-tàng 家己申請 iah-sī 由他人推薦申請。

#### **蔣發太先生台語師培菁英賞：**

Ták 冬 6 名，每名獎學金新台幣二萬 kho̍。獎勵對象是全國 ê 台語師培生(含大學部 kap 研究所)。以申請日期前一年度的台語師培課程成績(含專門課程 kap 教育專業課程)、台語競賽 iah-sī 參與台語推廣活動 ê 表現做評審根據。

#### **孫玉枝女士台語認證傳承賞：**

獎勵對象是參加全民台語認證 iah-sī 中小學生台語認證 ê 本國籍學生(包含國小、國中、高中、大學 kap 研究所 28 歲以下 ê 學生)。每擺考試 liáu 申請，詳細申請辦法 kap 日期另外公告。參加全民台語認證者 siōng-bô tiōh-ài 有中高級，以 hit 擺申請者 ê 考試成績前三高分者做得獎者。第一名獎學金新台幣六千 kho̍，第二名五千 kho̍，第三名四千 kho̍。若全分 tō 平分獎金。參加中小學生台語認證者 siōng-bô tiōh-ài 有 A2 級，以 hit 擺申請者 ê 考試成績前三高分者做得獎者。第一名獎學金新台幣三千 kho̍，第二名二千 kho̍，第三名一千 kho̍。若全分 tō 平分獎金。

#### **陳信從老師玉蘭樹賞：**

獎勵對象是身心障礙人士 iā 是低收入戶(照戶籍地所在縣市政府認定標準)，koh 全民台語認證 siōng-bô 有中高級 ê 本國籍學生(包含高中、大學 kap 研究所 28 歲以下 ê 學生)。以 hit 擺申請者 ê 考試成績前三高分者做得獎者。第一名獎學金新台幣六千 kho̍，第二名五千 kho̍。

第三名四千 kho。若全分 tō 平分獎金。Ták 擺考試 liáu 申請，詳細申請辦法 kap 日期另外公告。

**詹文聲教授國際台語文獎學金：**

獎勵對象是參加全民台語認證 iáh-sī 國際台語認證 ê 外國人 iáh-sī 新住民(定居台灣 iáh-sī 入台灣籍 20 冬以內)。以 hit 擺申請者 ê 考試成績前三高分者做得獎者。第一名獎學金新台幣六千 kho，第二名五千 kho，第三名四千 kho。若全分 tō 平分獎金。Ták 擺考試 liáu 申請，詳細申請辦法 kap 日期另外公告。

**王育德教授台語文研究賞：**

Ták 冬 3 名，每名獎學金新台幣五萬 kho。獎勵對象以台灣語文做碩士論文研究主題，論文 koh 以台語文書寫 ê 各大學碩士生 ( 含在職專班 )。申請資格 tiòh-ài 已經通過碩論初試者。獎金分別 tī tiòh 賞 kap 論文完成 ê 時，各提供百分之五十。

**鄭良偉教授台語文研究賞：**

Ták 冬 1 名，每名獎學金新台幣八萬 kho。獎勵對象是以台灣語文為博士論文研究主題，論文 koh 以台語文書寫 ê 各大學博士生。申請資格 tiòh-ài 已經通過博論初試者。獎金分別 tī tiòh 賞 kap 論文完成 ê 時，各提供百分之五十。

**巴克禮牧師台語文國際化貢獻賞：**

Ták 冬 1 名，每名獎學金新台幣八萬 kho。獎勵對象為以台灣語文為博 / 碩士論文研究主題且論文以台語文或英文書寫的各大學外籍研究生。申請資格須已通過博 / 碩論初試者。獎金分別於獲獎及論文完成時各提供百分之五十。

**鄭兒玉牧師白話字貢獻賞：**

每年 1 名，每名獎學金新台幣八萬元整。獎勵對象是以台灣語文做博 / 碩士論文研究主題，論文 koh 以台語文 iā 是英文書寫 ê 各大學研究生 ( 含在職專班，無分國籍 )。申請資格 tiòh-ài 已經通過博 / 碩論初試者。獎金分別 tī tiòh 賞 kap 論文完成 ê 時，各提供百分之五十。

- 六、頂 koân 所講 tiòh ê 台語論文書寫 lóng tiòh-ài 用全羅 iáh-sī 漢羅書寫，羅馬字部分 tiòh-ài 用傳統白話字。
- 七、得 tiòh 獎助者 ài tī 活動海報/論文/出版品適當 ê 所在表明 hit 活動/研究/創作是由本基金會獎助，若無，主辦單位有權取消得獎資格。申請者若屬國立成功大學師生 koh 同時得 tiòh 本基金會 kap 成大台灣語文測驗中心獎助全一項目，kan-ta'e-tàng 揀一个領獎。
- 八、本辦法經財團法人高雄市蔣發太孫玉枝台語文教育基金會董事會通過 liáu 實施 koh 交 hō 秘書處執行，修正 ê 時 mā 全款。